

## ২০০ টাকা মূল্যমান স্মারক ব্যাংক নোটের ডিজাইন ও নিরাপত্তা বৈশিষ্ট্য



১০০% কটন কাগজে মুদ্রিত এবং ইউভি কিউরিং ভার্নিশযুক্ত(UV Curing Varnish) গভর্নর ফজলে কবির স্বাক্ষরিত ২০০ টাকা মূল্যমান স্মারক ব্যাংক নোটটির আকার নির্ধারণ করা হয়েছে ১৪৬মিমি X ৬৩ মিমি। স্মারক ব্যাংক নোটটির সম্মুখভাগের বামপাশে বঙ্গবন্ধুর প্রতিকৃতি এবং ব্যাকগ্রাউন্ডে নোটের মূল্যমান ‘৮২০০’ ও ‘200’ ডিজাইন হিসেবে মুদ্রিত রয়েছে। এছাড়া, নোটের উপরের অংশে ‘জাতির পিতা বঙ্গবন্ধু শেখ মুজিবুর রহমান জন্মশতবর্ষ ১৯২০-২০২০’, উপরে ডানদিকে কোণায় ইংরেজিতে মূল্যমান ‘200’ ও ডানদিকে নিচে কোণায় বাংলায় মূল্যমান ‘৮২০০’ লেখা রয়েছে।

নোটের পেছনভাগে ডানদিকে গ্রামবাংলার বহমান নদী ও নদীর পাড়ের দৃশ্য (নদীর বুকে নৌকা, পাড়ে পাটক্ষেত ও নৌকায় পাট বোঝাইয়ের দৃশ্য) এবং এর বামপাশে বঙ্গবন্ধুর যুক্তফ্রন্টের মন্ত্রী থাকাকালীন সময়ের একটি ছবি মুদ্রিত রয়েছে। নোটের উপরিভাগে ইংরেজিতে ‘Father of the Nation Bangabandhu Sheikh Mujibur Rahman Centenary 1920-2020’ এবং নিচে বামদিকে কোণায় ‘Birth Centenary’ লেখা রয়েছে। নোটের উপরে বামকোণে বাংলায় মূল্যমান ‘২০০’ ও ডানকোণে ‘বাংলাদেশ ব্যাংকের মনোগ্রাম’ এবং নিচে ডানদিকে কোণে ইংরেজিতে মূল্যমান ‘৮200’ লেখা রয়েছে।

নোটটির সম্মুখভাগে বামপাশে ৪ মিমি চওড়া Kinetic Starchrome® Thread নামক নিরাপত্তা সূতা সংযোজন করা হয়েছে যাতে ‘বাংলাদেশ ব্যাংকের মনোগ্রাম’ এবং ‘২০০ টাকা’ খচিত রয়েছে এবং নোটটি নড়াচড়া(Tilt) করলে নিরাপত্তা সূতার রং লাল হতে সবুজ রংয়ে পরিবর্তিত হয় এবং এতে সোনালী বার ইফেক্ট দেখা যায়। এছাড়া নোটের ডানদিকে কোণায় ইংরেজিতে মুদ্রিত ‘200’ মূল্যমানটি উন্নতমানের নিরাপত্তা কালি (SPARK) দ্বারা মুদ্রিত; যাতে নোটটি নড়াচড়া করলে এর রং সোনালী থেকে সবুজ রংয়ে পরিবর্তিত হয় এবং একটি উজ্জল বার উপর থেকে নিচে উঠানামা করে।

স্মারক ব্যাংক নোটটিতে জলছাপ হিসেবে ‘বঙ্গবন্ধুর প্রতিকৃতি’, ‘200’ এবং ‘বাংলাদেশ ব্যাংকের মনোগ্রাম’ রয়েছে। বাজারে প্রচলিত অন্যান্য ব্যাংক নোটের ন্যায় ২০০ টাকা মূল্যমান এ স্মারক ব্যাংক নোটটিতে নিরাপত্তা বৈশিষ্ট্য হিসেবে ইন্টাগ্ৰিও কালির অসমতল ছাপা (সম্মুখভাগে বঙ্গবন্ধুর প্রতিকৃতি, বাংলাদেশ ব্যাংক, পেছনভাগে বঙ্গবন্ধুর প্রতিকৃতি, বহমান নদীর দৃশ্য ইত্যাদি), লুকানো ছাপা, মাইক্রোপ্রিন্ট, দৃষ্টি প্রতিবন্ধীদের জন্য ৩টি ব্রিড্জ, ইউভি ফাইবার ইত্যাদি রয়েছে।

উল্লেখ্য, ২০০ টাকা মূল্যমান স্মারক ব্যাংক নোটটি অন্যান্য ব্যাংক নোটের ন্যায় দৈনন্দিন লেনদেনে ব্যবহৃত হবে। এছাড়া, মুদ্রা সংগ্রাহকদের চাহিদার বিষয়টি বিবেচনা করে ২০০ টাকা মূল্যমান স্মারক ব্যাংক নোটটির নিয়মিত নোটের পাশাপাশি ২০০ টাকা মূল্যমান নমুনা (Specimen) স্মারক ব্যাংক নোট(যা বিনিময়যোগ্য নয়) মুদ্রণ করা হয়েছে যা বাংলাদেশ ব্যাংক, মতিঝিল অফিস এবং টাকা জাদুঘর, মিরপুর হতে নির্ধারিত মূল্যে সংগ্রহ করা যাবে।